



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyon nga Waray
Tuig XL Ihap 12
Hunyo 21, 2009
www.philippinerevolution.net

Editorial

Umato tubtub maibagsak an rehimen Arroyo

Katapos an haros napulo na katuig nga pag-antos ilarum han papet, dunot ngan mapanmuy-poy nga paghahadi ni Gloria Arroyo, makusog an paghihingyap han katawhan Pilipino nga mautod na an iya paghahadi ngan pabaydon hiya ha gidadamui na nga magbug-at nga kasal-anan ha nasud.

Kun hi Arroyo la an masusunod, diri malalauman han katawhan nga boluntaryo ngan waray kasamukan nga magtatapos han iya paghahadi. Samtang tikahirani an katapusan han iya termino ha Hunyo 2010, dugang pa nga gindadagmit ni Arroyo an mga maniobra para maka-pagpadayon pa ha poder. Mas nakaklaro an panginahanglan para ha mapagdesisyon nga mga paggios han katawhan para matanggal na hiya ha iya pinupwestuhan. Pareho han sibwada han syahan nga kwarter han 1970 ngan EDSA 1986 ngan 2001, utro yana nga namamangpangan an usa nga gamhanan nga unos han katawhan nga determinado nga ibagsak an ginkakangalsan nga rehimen US-Arroyo.

Maanupaman an pamaagi para mapahilawig an poder ni Arroyo, usa nga butang an klaro: Mautod la an merse-naryo, dunot, buwaon ngan mabangis nga paghahadi ni Arroyo pinaagi han pag-agaw mismo han katawhan han poder ngan pagpwera kan Arroyo nga utdon na an iya paghahadi.

Diri makarukarawat ha katawhan an plano ni Arroyo nga magpabilin ha poder. Diri makarukarawat nga magpadayon an gin-aantos nira nga ura-ura nga

pagkukuri ngan paniniyupi ilarum han dunot, hamad ngan mabangis niya nga rehimen.

Sanglit, kinahanglan magkaurusa, gumios ngan umato an katawhan. Kinahanglan tirukon ini nga kangalas ha usa nga gamhanan nga unos para utdon an paghahadi ni Arroyo. Kinahanglan dugang nga pahiluagon ngan pakusgon an pagpukaw, pag-organisa ngan pagmobilisa ha katawhan para atuhan an ngatanan nga mga pagpapakuri ha ira han rehimen US-Arroyo.

Kinahanglan ipakita ha katawhan nga an ira kakurian direkta nga resulta han mga maka-langyawanon ngan kontra-katawhan nga palisiya ngan pitad han naghahadi nga rehimen, kalakip an palisiya nga iraysang an suhol ha hibubo nga lebel, an pagpapasibaya ha mga pankatilingban nga serbisyo para maalotaga an dako nga parte han badyet ha pagbayad han utang, an palisiya nga pag-eks-



Mga landaw hini nga isyu...

Con-ass, hugot nga ginkondenar

PAYPAY 4

Nagtitikaraut nga ekonomiya ha nasud

PAYPAY 5

Buaw an mga kadaugan han AFP ha Negros

PAYPAY 9

port hin mga trabahador imbes nga magpabutho hin trabaho ha nasud ngan an pagpugong ha tinuod nga reporma ha tuna.

Kinahanglan waray kapagal nga ibuksas an ngatanan nga kaso han pan-ngawat ngan pandarabong ni Arroyo nga ha kabug-usan inabot na ha diri mamenos ha ₱7.3 bilyones. Suktan hi Arroyo ha haros masobra usa na kayukot nga kaso han ekstrahudisyal nga panmatay ha mga naato nga aktibista ngan kritiko, ngan damo pa nga kaso hin panmilitar nga kabangisan nga nagbiktima ha milyon na nga mulupyong ha katuyuanan nga tarhugon ngan pamingawon an naato nga katawhan. Ibuksas an ura-ura nga pagpapakapapet ngan pagpakaniyu-tiyo han rehimen Arroyo ha interes ngan dikta han imperyalista nga amo, ngan an plano nga tagan pa hin bug-os nga kalibrihan nga manginlabet an imperyalista nga US ha mga internal nga karukayaknon ha Pilipinas ngan dambangunon han mga langyawanon an karikuhan ngan ekonomiya han nasud.

Ha tiarabot nga mga bulan tubtub ha krusyal nga masunod nga tuig, kinahanglan pakusgon han mga rebolusyunaryo ngan progresibo nga

Arroyo, nangunguna nga diri tinatapuran nga opisyal

NALABWAN ni Gloria Arroyo an ngatanan nga higtaas nga opisyal ha pinakaurhi nga surbey han Pulse Asia komo nangunguna nga diri tinatapuran nga opisyal. Ha ngatanan nga erya ngan grupo nga gin-surbey, nakakuha hiya hin 42 tubtub 67 puntos. Ha pareho nga surbey, 45% han mga Pilipino an hul-os nga kritikal ha binuhatan ni Arroyo.

Sumala naman ha surbey han Social Weather Stations hadton syahan nga kwarter han tuig, 43% han mga Pilipino nga botante an diri natuod nga malusad ha pwesto hi Arroyo ha 2010. Mas hitaas ini kun igtatanding ha 39% nga resulta ha surbey hini hadton nakalabay nga tuig. AB

pwersa an hul-os nga paningkamot nga pukawon, organisahon ngan pagiuson an pinakahiluag nga ranggo han katawhan Pilipino para atuhan an "cha-cha" ngan ngatanan nga iba pa nga maniobra ni Arroyo para pahilawigon an iya poder. Nakasarig ini ngatanan ha gamhanan nga kusog nga matitirok ngan maibubuhos han katawhan ha iba-iba nga pamaagi han pag-ato.

Palarabon an kalayo han protesta ngan pag-ato. Ipasamwak ini ha bug-os nga nasud para makapag-amot an pinakadako nga ihap han katawhan hini nga pankasaysayan nga pag-ato. Ha katapus-tapusan, an kahiluag ngan kadakuon han mga demon-strasyon ha kalsada ngan marayhak

nga pagsulong han armado nga rebolusyon an yawe ha kadaugan han pag-ato. Atubangan han grabe nga panmumuyopoy han rehimen Arroyo kontra ha mga gios-protesta labina ha gindedepensahan nga sentro han poder, kinahanglan an paggios han milyun-milyon ha iba-iba nga probinsya ngan syudad ha bug-os nga nasud, tubtub nga diri na mapugngan han mga pasista nga pwersa bisan an pagbuklos han panibag-o nga pag-aalsa ha nasyunal nga sentro.

Hiluagan ngan marayhak nga pagiuson an mga trabahador ngan parag-uma, an mga kablas ngan waray trabaho, an mga magtuturo ngan empleyado, kabatan-unan, istudyante ngan iba pa nga sektor han katawhan kontra ha "cha-cha," kadungan han pag-ato para ha ira mga pampolitika ngan sosyo-ekonomiko nga interes ngan katungod. Isumpay an ira mga sektoral nga pakigbisog ha pakigbisog para maibagsak na an rehimen nga nagpapakuri ha ira. Kasagubay han pakigbisog para ibagsak an rehimen US-Arroyo, kinahanglan pakusgon an pag-ato han katawhan para utdon an sistema nga putos han krisis, kaduntan, kakurian ngan panmumuyopoy.

Paborable kaupay an presente nga kondisyon para ha pagpasulong han demokratiko nga rebolusyon han katawhan ngan pagpapakusog han mga taktikal nga opensiba ha bug-os nga nasud. Singabuton an paggrabe han pampolitika ngan sosyo-



Tuig XL Ihap 12 Hunyo 21, 2009

Igin-gagawas an *Ang Bayan* ha yinaknan nga Pilipino, Bisaya, Iloko, Hiligaynon, Waray ngan Ingles.

Mahihimo ini nga i-download tikang ha Philippine Revolution Web Central nga makikita ha:

www.philippinerevolution.net

Nakarawat an *Ang Bayan* hin mga kontribusyon ha porma hin mga artikulo ngan balita. Gin-aaghat liwat an mga mambarasa nga magpaabot hin mga suson ngan rekomendasyon ha ikauuswag han aton pahayagan. Maaabot kami pinaagi han mga email ha: angbayan@yahoo.com

Gin-uunod

Editorial	1
Mga maniobra ha <i>Con-ass</i>	3
<i>Con-ass</i> , hugot nga ginkondenar	4
Nagtitikaraut nga ekonomiya ha nasud	5
Nagtitikagrabe nga dis-empleyo	6
Sosyalismo an alternatibo ha kapitalismo	7
Magdinaugon nga opensiba han BHB	
2 opisyal han militar, namatay;	
8 armas nakumpiska	8
Mga taktikal nga opensiba han MILF	8
Buaw an mga kadaugan han AFP ha Negros	9
Panhihibang han pasista nga estado	
Lider-parag-uma, ginpatay	10
MMDA, ginpakyas han ugrupod nga paggios	11
Masaker ha Peru	12
Balita	13

Iginpublikar an *Ang Bayan* duha kabeses kada bulan han Komite Sentral han Partido Komunista han Pilipinas

ekonomiko nga krisis ilarum han naghahadi nga sistema ngan gobyerno para mas mapahiluag ngan mapakusog an gerra han katawhan. Ipwesto an armado nga rebolusyunaryo nga kagiusan ha unahan han hiluag nga ranggo han katawhan nga naato. Iwagayway an pula nga bandera han armado nga rebolusyon ha butnga han krisis han panginabuhi nga nagbabay-og ha bagakolonyal ngan bagapyudal nga sistema ngan ha krisis han politikal nga paghahadi ha nasud nga nagringgal yana ha ranggo han mga reaksyunaryo nga klase.

Planuhon ha lebel-rehiyon ngan prente an pagpasulong han kampanya para ha pagpapakusog han mga taktikal nga opensiba han Bagong Hukbong Bayan tikang ha

ikaduha nga parte han 2009 tubtub ha bug-os nga tuig han 2010. Tagan-lugar an inisyatiba, kamaungod ngan buylo han ngatanan nga mga prente gerilya ngan platun gerilya para makapaglansar hin mga taktikal nga opensiba subay ha kakayahan ngan seguridad nga kadaugan.

An pag-ato para ibagsak an rehimen US-Arroyo seguridad nga magkukusog pa ha tiarabot nga mga bulan ngan masunod nga tuig. Kinahanglan pukaw nga gamiton han mga rebolusyunaryo nga pwersa an ngatanan nga higayon yana para dugang ngan mas dagmit nga makagtirok hin organisado ngan armado nga kusog para maisa an lebel ngaduha han mga panmasa nga pakigbisog ngan gerilya nga pakiggerra. **AB**

Con-ass, gindadagmit

Iba-iba na nga maniobra an sinasarihan han Malacañang para mapadagmit an pagpagawas han desisyon han Korte Suprema pabor ha *con-ass*, mawara na an anuman nga "ligal" nga ulang hini ngan mailansar na ini ha pinakamadagmit nga panahon.

Sugad han ginlalauman, an peke nga petisyon ni Oliver Lozano nga iginlalawad niya pira kaoras la pagkaaprubar han resolusyon para ha *con-ass* ha *Mababang Kapulungan*, dayon iginbasura han korte tungod kay "ura-ura ini kaapas." Tungod kay resolusyon pa la ngan diri pa naipapatuman an ginratsada nga House Bill 1109 para ha *con-ass* kun diin diri rekisito an partisipasyon han Senado.

An masunod nga taktika nira Arroyo amo an dayon na nga paglansar hin *con-ass* ha utro nga pag-abre han Kongreso ha State of the Nation Address ni Gloria Arroyo ha Hulyo 27. Plano singabuton han kampo ni Arroyo an higayon nga igkakaugrupod han mga kongresista an mga senador ha usa nga katitirok para enkaso may-ada pa liwat maengganyar nga mga senador nga umapi ha *con-ass* mapiritan na an korte nga desisyunan na ini tungod kay iginpapatuman na. Sering han mga pasimuno han *con-ass*, posible nga diri abutan hin duha kabulan ngan papaboran na ini han Korte Suprema. An mga senador naman nga puros kontra ha *con-ass* nagsering nga mabaya hira ha *bulwagan* kun igpa-

padayon an paglansar han *con-ass*.

Samtang, tungod kay kulang na an panahon para maseguro an temprano nga paglisngi han porma han gobyerno ngadto ha parlamentaryo, iginkakasa nala anay yana ni Arroyo an pagkuha han pwesto komo representante han ikaduha nga distrito han Pampanga. Ginseseguro liwat niya nga mayoriya han mga mapwesto ha *Mababang Kapulungan* mga niyu-tiyo niya para seguridad nga magdiruderetso an *con-ass* tubtub nga matukod na an bag-ong parlamentaryo nga sistema ngan mangatungdanan na hiya komo puno nga ministro.

Yana nga Hunyo pala, 17 na kabeses nga binisita hi Arroyo ha iba-iba nga bungto nga sakop han ikaduha nga distrito han Pampanga para mangampanya. Kaparte liwat han plano an pag-atras han anak niya nga hi Mikey Arroyo komo kongresman hini nga distrito ngan pagkandidato hini komo gobernador han Pampanga para mahadian ngan makontrol an politika ha bug-os nga probinsya. Ha sugad hihimuon liwat nira an ngatanan nga pamaagi para

mapatalsik an popular nga repormista nga gobernador nga hi Fr. Ed Panlilio, nga nagseserbe yana nga baga tunok han tutulnan han naghahadi nga barkadahan.

Ginluluto na liwat han naghahadi nga barkadahan an pagpapadaug han usa nga presidente nga maabuyon nga magin pahoy la ni Arroyo tubtub nga magin parlamentaryo na an sistema han gobyerno ngan maibalik na kan Arroyo an pagigin prinsipal nga pinuno han estado.

Kadungan hini ngatanan, pirme pa liwat nga namamangpangan an posibilidad han "no elections" ("noel") o pagkapakyas han eleksyon (durot han hiluagan nga pagpalyar ha paggamit han mga kompyuter ha pag-ihap han botos) nga maghahagdalan ha pag-imponer ni Arroyo hin "emergency rule" o direkta nga paghahadi militar, ngan pagpapadayon ha paghahadi komo "presidente nga pantransisyon."

Dadagmiton nira Arroyo ini nga proseso tungod kay nababaraka hira nga hin-uman nga makatin han poder komo presidente poyde magiyan ha poder ngan diri na maabuyon nga maghatag-lugar ha pagbalik ni Arroyo ha poder. Bilyun-bilyon an igin-aandam nga kwarta ni Arroyo para maipatuman ini nga mga plano niya.

Kundi samtang gindadagmit nira an ira pagmamaniobra mas la hira nga nagigin garapal ngan nagduduso han dugang nga kangalas ngan pag-ato han katawhan. **AB**

Con-ass, hugot nga ginkondenar

Hugot nga ginkondenar han iba-iba nga sektor han katilingban ha nasud ngan ha langyaw nga labnasan an pag-amyendar han konstitusyon pinaagi han usa nga *constituent assembly* (*con-ass*) nga waray partisipasyon an Senado. Kadungan han protesta ha Makati City, nangangalas liwat an yukut-yukot nga mulupyo ha Manila ngan mga syudad han Calamba, Legazpi, Baguio, Cebu, Tagbilaran, Bacolod, Iloilo, Dumaguete, Iligan, Valencia, Davao, Koronadal, General Santos ngan mga sentro nga bungto ha nasud.

Ha Luzon. Hadton Hunyo 10, diri mamenos ha 13,000 nga demonstrador tikang ha iba-iba nga sektor an nagtiritirok ha Makati City para kondenaron an *con-ass* nga nagtutumuyo nga bag-uhon an konstitusyon para padayon nga makakapyot ha poder hi Gloria Arroyo. Ha entablado, ginkondenar an rehimen Arroyo ha nakasurat nga islogan nga "*Stop Gloria's Con-ass*" samtang an mga raliyista mayada mga plakard nga nagsesering nga "*Gloria forever? Never!*" ngan "*Gloria must go!*"

Ha Southern Tagalog, naglansar hin bulag nga gios protesta an mga militante nga grupo para kondenaron an *con-ass*. Sumala kan Tin Macabetcha, tagapagyakan han BAYAN-Southern Tagalog, usa nga koordinado nga paggios ha rehiyon an iginlansar ha Crossing, Calamba City, Laguna, alas-4 han kulop hadton Hunyo 10. Pinartisipar ha

nasinging nga rali an mga lider-singbahan, mga empleyado han lokal nga gobyerno ngan mga representante han sektor panlawas.

Naglansar liwat hin dudrungan nga *noise barrage* ha iba-iba nga lugar han Calabarzon (Cavite Laguna, Batangas, Rizal, Quezon) hiton nga adlaw. An nasinging nga rali patikang la ha serye han mga kontra-*cha-cha* nga rali nga mapungkay ha usa nga mas dako nga aksyon protesta ha State of the Nation Address (SONA) ni Gloria Arroyo ha urhi nga semana han Hulyo.

Ha Bicol, naglansar hin mga aksyon protesta an Alyansa Kontra Cha-cha ngan BAYAN ha Legazpi City, Coalition for Bicol Development ngan Naga City People's Council ha Naga City kadungan han aksyon protesta ha Makati City. Pinartisipar liwat an Camarines Sur People's Organization ngan Kabataan Party.

Ha Visayas. Ha Cebu, gatus-gatos an nagmar-



tsa tikang Fuente Osmeña mga alas-9 han aga ngan nagtiritirok ha Colon St. antes kumadto ha Malacañang ha Sugbu. Ginkondenar liwat han Cebu Business Club an *con-ass* tungod kay waray ini maupay nga maidudurot ha pampinansya nga kamutangan han nasud ngan lugod dugang pa ini nga magpapagrabe ha pampinansya nga krisis.

Samtang, ha Dumaguete City, naglansar hin kontra-*cha-cha* nga rali kun diin usa nga lider-parag-uma, hi Fermin Lorico, an brutal nga ginpatay katapos mamulong ha nasinging nga gios-protesta. Tsirman hi Lorico han Kaugmaon-Kilusang Magbubukid ng Pilipinas-Negros Oriental (*Kitaon an kasumpay nga artikulo.*)

Ha Iloilo City, naglansar hin mga aksyon protesta an multisektoral nga koalisyon nga I-March (Ilonggos' Movement Against Arroyo's Charter Change) kaupod hi Archbishop Angel Lagdameo han Jaro, presidente han Catholic Bishops Conference of the Philippines. Antes magmartsa an 2,000 nga raliyista ngadto ha Provincial Capitol Grounds, dapit alas-2 han kulop, naglansar hin *noise barrage* an mga drayber han mga pampasahero nga dyip ngan pagbagting han mga lingganay han napulo nga dayosis. Labot ha BAYAN-Panay, Gabriela, PAMANGGAS, mga kablus ha syudad ngan mga relihiyoso nga sektor, pinartisipar liwat an Integrated Bar of the Philippines-Iloilo ngan pira nga personahe.

Ha Bacolod City, masobra 1,000 an nagmartsa para magtiritirok ha plasa han Bacolod City para kondenaron an *con-ass*. Samtang nagmartsa, waray hunong nga ginpatunog an mga lingganay han San Sebastian Cathedral nga ginkabatan hin pula nga tela komo protesta ha *con-ass*. Kaupod hi Bishop Vicente Navarra han Bacolod hini nga multi-sektoral nga protesta.

Ha Mindanao. Ha Davao City, naglansar hin People's March hadton kulop han Hunyo 10 nga nagin usa

nga dako nga *torch parade* tikang ha Freedom Park ngadto ha Rizal Park. Antes hini, nagpiket an mga kaapi han Anakbayan-Southern Mindanao ha atubangan han opisina ni Speaker Prospero Nograles. Katin nira an kontra-Arroyo nga mga plakard nga gin-akusaran hi Nograles hin pagtatraydor.

Ha Cagayan de Oro City, nagtirok an gatus-gatos nga mga nagprotesta ha Divisoria Freedom Kiosk para kondenaron an *con-ass*. Nagmartsa an mga nagprotesta tikang ha Misamis Oriental Capitol Grounds dapit alas-10 han aga han Hunyo 10. Magpapadayon an kontra-*cha-cha* nga protesta ha masunod nga semana ha mas dako nga lugar ha Pelaez Sports Complex.

Samtang ha Kongreso, ginkondenar han mga membro han minoriya an *con-ass*. Sumala kan Rep. Satur Ocampo, kun igpapadayon an *con-ass* seguridad nga mag-aalsa hira ngan lalauman nga mabulig an katawhan para pakyas-an an maniobra. Ginluwas naman han nasering nga mga kongresista ha rali ha Makati an bag-o nga bersyon han Panatang Makabayan nga ginsurat ni National Artist Bienvenido Lumbera.

Ha langyaw nga labnasan. Ha New Zealand, ginkondenar han Migrante Aotearoa New Zealand an pinakaurhi nga maniobra han Malacañang, an *con-ass*, para bag-

uhon an konstitusyon. Sumala ha nasering nga organisasyon, katuyuanan han *cha-cha* an pagpapadayon ni Gloria Arroyo ha Malacañang ngan pagdepensa ha iya tikang ha mga kaso nga igsasalawad kontra ha iya sugad han pandarambong ngan pagtalapas ha tawhanon nga katungod.

Samtang, ginkondenar han BAYAN-Canada an HR 1109, nga sering hini klaro nga pagpapaungbaw han poder han House of Representatives. Nanawagan hi Jonathan Canchela, presidente han Filipino Migrant Workers' Movement, usa nga membro nga organisasyon han Migrante-Ontario nga magmartsa an katawhan ha kakalsadahan ngan atuhan an sugad hini nga porma hin panmuypoy ha katawhan Pilipino han mga kroni ni Gloria Arroyo ha Kongreso. Nanawagan liwat an BAYAN-Canada ha ngatanan nga kaalyado nga organisasyon hini nga mag-organisa hin mga rali ha tiarabot nga mga adlaw ngan bantayan an kada pagbirik ha pagmaniobra han barkadahan Arroyo nga bag-uhon an konstitusyon.

Ha Saudi Arabia, bisan kun igindidiri han gobyerno nga maglansar hin anuman nga porma hin protesta, naglansar hin usa nga *indoor protest* an Migrante-Al khobar para kondenaron an *con-ass*. Naglansar liwat hin *press conference* an Migrante-Riyadh Chapter kontra ha *con-ass*. AB

Nagtitikaraut nga ekonomiya

Samtang ginpapagrabe han krisis han pankalibutan nga kapitalista nga sistema an permanente nga krisis han bagakolonyal ngan bagapyudal nga sistema ha nasud ngan padayon nga nangangabuso ha poder an ura-ura nga dunot nga reaksyunaryo ngan papet nga rehimen Arroyo, mas nga nagkukuri an katawhan. Masunod an pira ha mga pinakaurhi nga pangilal-an ngan resulta hini:


Pagbagsak han GDP. Pinakagrabe ha sakob han nakalabay nga dekada an 2.3% nga pagbagsak han *gross domestic product* (GDP o kabug-usan nga lokal nga produksyon) tikang ha urhi nga kwarter han 2008 ngada syahan nga kwarter han 2009.

Pagbagsak han eksport, produksyon, konsumo ngan pamumuhunan ha nasud. Itanding hadton Enero-Abril 2008, binagsak hin 36.4% (kabug-usan nga \$10.7 bilyones nala) an eksport han Pilipinas hini nga Enero-Abril. Pinakagrabe an pagluros han mga baga-manupaktura nga elektronik nga pyesa (nga haros nangatunga nala) ngan mga bado, mwebles ngan produkto nga agrikultura, nga asya an prinsipal nga mga

eksport han nasud.

Pira kabulan na liwat nga binagsak an produksyon ha mga pabrika, diri nala adton mga nakatutok ha eksport kundi bisan para ha lokal nga konsumo. Binagsak ini hin 23.8% hadton Enero, 21.1% hadton Pebrero ngan 12.7% hadton Marso.

Tikang ha sumobra-kumulang \$3 bilyones hadton 2006-2007, grabe nga linuros an direkta nga langyaw nga pamumuhunan ha nasud. Itanding hadton nakalabay nga tuig, binagsak ini hin 83% ngan aada nala ini ha \$44 milyones hini nga syahan nga kwarter han tuig tungod ha pagdamo pa han mga langyaw nga kompanya nga nagkagikan o nagserra na. Kadam-an hini aada ha baga-manu-



paktura nga pan-eksport ngan lokal nga konsumo. Pagka-Marso, mas dinako na hin \$27 milyones an igin-gawas nga direkta nga langyaw nga pamumuhunan itanding ha nasakob.

Binagsak na liwat an benta ngan konsumo tungod ha pagguti han kita han katawhan ngan hingyap nira nga

makapagdaginot ha panahon han krisis. Binagsak an kabug-usan nga bolyum han mga benta hin 16.5%. Ha surbey mismo han Bangko Sentral han Pilipinas, ginawas nga mas pa nga nagluros an kompyansa han mga konsumidor tikang ha negatibo nga 25.7% hadton syahan nga kwarter ngadto ha negatibo nga 34.2% ha ikaduha nga kwarter han 2009.

Natikaguti nga remitans han mga migrante nga Pilipino. Itanding hadton mga nakalabay nga tuig, nati-kaguti na an tantos han pag-umento han naipasakob nga remitans han mga migrante nga trabahador nga Pilipino.

Linuros ini hin 2.2% hini nga Abril tikang ha 3.1% hadton Marso ngan 4.1% hadton Pebrero. Pinakadako an pagbagsak han remitans tikang ha US nga linuros hin 9.1% hadton syahan nga kwarter han 2009 itanding had-ton syahan nga kwarter han 2008 (tikang \$1.84 bilyones ngadto ha \$1.68 bilyones o kabug-usan nga pag-iban nga \$168.3 milyones).

Nakikit-an han iba-iba nga pankalibutan nga ahensya nga nagtikang na nga bumagsak an mga remitans yana nga tuig hin tikang 4% tubtub 15%. An pagbagsak hini mangangahulugan hin dugang pa nga paggrabe han kri-sis ha nasud nga maiha na nga nakasarig ha langyaw nga remitans.


Sumala ha mga kompanya nga nagpapadara hin mga trabahador nga Pilipino nga nag-aasikaso han mga kontrata nira ha iba nga nasud, tikang 2007 linuros na hin 29.2% an nakakakuha hin bag-o nga mga kontrata ha langyaw nga labnasan.

Natikaguti nga nakokolekta nga buhis, natikadako nga depisit ngan utang han gobyerno. Nagtitikagrabe an depisit ha badyet han gobyerno.

Natikaguti yana an nakokolekta nga buhis han gob-yerno—13.5% nala han kantidad han presente nga kabug-usan nga lokal nga produksyon ngan negosyuhay han nasud, itanding ha 15.05% hadton nakalabay nga tuig.

Durot hini, inabot na ha ₱111.8 bilyones—pinakahitaas ha kasaysayan—an nahirekord nga depisit han gobyerno hadton syahan nga upat ka-bulan pa han 2009 (upat kapilo nga mas dako itanding ha depisit hadton syahan nga kwarter han 2008 ngan 56% na han target ha bug-os nga tuig nga ₱199.2 bil-yones). Ginsesering han gobyerno nga diri na malahos ha ₱257 bilyones an kabug-usan nga depisit han gob-yerno para ha 2009 kundi gin-eestimit nga maabot pa ini ha ₱330 bilyones ha minimum.

Tungod hini, nag-aapura ha pangungutang an gob-yerno. Nadugngan hin ₱291.5 bilyones an kabug-usan nga utang han gobyerno (nga yana aada ha masobra na ₱4.2 trilyones, doble han lebel ha pagkapwesto ni Ar-royo hadton 2001). Naabot na ini yana ha 57.6% han GDP—usa ha pinakahitaas ha bug-os nga kalibutan ngan pinakahitaas na ha bug-os nga Asia. AB



Nagtitikagrabe nga dis-empleyo, gintatahuban

Usa ha pinakalandaw nga pangilal-an han pag-grabe han krisis ha ekonomiya an dugang nga pagdako han dis-empleyo. Ha pag-estimit han Ibon Foundation, naabot na ha 28% o 10.6 milyones an waray trabaho o nagbibiling hin kadugangan nga traba-ho. Kun pagbabasaran naman an usa nga surbey diri pala maiha han Social Weather Stations, an tantos han dis-empleyo naabot na ha 34% o 14 milyones katawo.

Ini nga grabe kaupay nga problema pirit nga gin-tatahuban han gobyerno. Ginpapagawas han gobyerno nga aada la ha 7.5% an tantos han dis-empleyo hini nga Abril 2009. Kun mas tipatip nga analisis an mga datos mismo han gobyerno, makikita kun tipaunan-o hini gintatahuban an aktuwal nga kadakuon han dis-empleyo.

Para pagawson nga guti la an ihap han mga waray trabaho, gin-iibanan hini an ihap han mga trabahador nga ginkokonsidera nga kaupod ha pwera ha pagtraba-ho. Waray na ig-upod dinhi an masobra dos milyones nga naidugang ha pwera han pagtrabaho hadton nakalabay nga tuig nga diri nakabiling hin trabaho ngan nahunong na ha pagbiling, an mga bag-o nga gradwado ha kolehiyo nga nagtitikang pala nga magbi-ling hin trabaho, an gatus-gatos kayukot nga mga tra-bahador nga natatanggal pala ngan an narunapulo na kayukot nga migrante nga trabahador nga nagtikang na bumalik ha nasud.

Sugadman, pinaagi han mga pagbabag-o han de-pinisyon, ginpapadaparap hini an kaibhan han "may-ada trabaho" ngan "waray sadang nga trabaho." Ginhi-himo ini para padakuon an ihap han "may-ada trabaho" pinaagi han pag-upod dinhi han mga trabahador nga ha aktuwal kulang o waray trabaho. Kun sugad, kun

aanalisaron ini nga mga datos han gobyerno, makikita nga an mga ginkokonsidera hini nga "may-ada trabaho" ha aktuwal kulang kaupay o waray regular nga pakabuhi.

Pananglitan, sumala ha pinakaurhi nga datos han Bureau of Labor and Employment Statistics (BLES), naabot na yana ha 16.5 milyones (tikang 10.5 milyones) an aada ha "impormal nga sektor." Katunga na ini han kabug-usan nga ihap han mga "may-ada trabaho." Kaupod hini an mga "nagtatrabaho para ha kalugaringon" o "nagtatrabaho hin waray bayad para ha pamilya" o may-ada iba-iba nga diri regular nga trabaho. Nabubuhi hira pinaagi han pag-uma, paghandikrap, pangangayad, pagtitinda, pagmamangno ha tindahan, pagdrayb han mga dyip, traysikol ngan pedikab, pagbabaligya hin basura ngan pareho nga mga trabaho para may-ada la makaon.

Ha surbey naman han National Statistics Office, nagawas nga 18.9% la han pwersa ha pagtrabaho an ginkokonsidera nga "waray sadang nga trabaho." Kundi kun aanalisaron naman an aada ha kategoriya nga "may-ada empleyo," magawas nga maabot ha masobra 72.3% hini an makokonsidera nga waray sadang o regular nga trabaho: 35.2% hini mga paraguma ngan trabahador ha uma nga kadam-an "nag-eempleyo ha kalugaringon," kulang an trabaho ngan pana-panahon la nga may-ada trabaho; 19.1% aada ha pagnenegosyo ngan pangangayad hin mga kagamitan; 13.1% an nagtatrabaho para ha pamilya hin waray bayad; ngan 4.9% an nagtatrabaho komo mga kabulig. Dako pa nga parte han nahisasalin nga 28.7% nga aada ha kategoriya nga "may-ada empleyo" in kaswal, kontraktuwal, temporaryo ngan diri asegurado an pagtrabaho.

Nagawas ha yana nga guti nala hin duro an ihap han mga trabahador nga may-ada tinuod nga istable nga trabaho. Bisan ha kabug-usan nga 1.5 milyones nga bag-o nga natagan kuno hin trabaho hadton 2008, tubtub 86.6% (o 1.3 milyones) an ha kamatuoran mga baga-trabahador nga nadugang la ha "impormal nga sektor." AB

Sosyalismo an alternatibo ha kapitalismo

Maabot na ha 5.3 milyones katawo o 10% han kabug-usan nga pwersa ha pagtrabaho an nawarayan hin trabaho ha US. Ha Japan, naabot ini ha 330,000 ngan ha India, tunga ha milyon hini nga syahan nga upat kabulan pala han 2009. Ha Pilipinas, gin-eestimit nga maabot na ha 600,000 an nawarayan hin trabaho hini nga kabutnga han tuig.

Pira la ini ha landaw nga mga pangilal-an han pinakagrabe nga krisis pan-ekonomiya ngan pampinansya tikang hadton Great Depression nga nagbabay-og yana ha mga trabahador ngan masa nga *anakpawis* ha bug-os nga kalibutan.

An presente nga krisis dugang pa ha mabug-at nga paras-anon nga ginsusugbong han mga trabahador ngan masa nga *anakpawis* resulta han mga neoliberal nga palisiya nga deregulasyon, liberalisasyon, ngan pribatisasyon nga nagpara ha mga katungod nga nakab-ot han mga trabahador, nagpaumento han mga buhis ngan mga presyo han bataan nga mga paplitan ngan serbisyo ngan mas pa nga nagluludlod ha kakurian ha milyun-milyon nga paraguma.

Atubangan hini nabuto an mga aksyon protesta han kagiusan trabahador ha iba-iba nga parte han kalibutan. Usa dinhi an madinaugon nga unom-kaadlaw nga okupasyon han mga trabahador ha Republic Windows and Doors ha Chicago, USA hadton Disyembre 2008 nga nakakuha hin suporta tikang ha mga kasapit nga syudad tubtub nga utro nira napaabrihan an planta. Nagkamay-ada liwat okupasyon ha mga pabrika ha Ireland, London, ngan Canada. Ha France, tres milyones nga mulupyo an nagprotesta hadton Marso 19 para ig-insister ha administrasyon nga Sarkozy an dugang nga suhol, trabaho ngan pagpugong ha pag-umento han buhis. Samtang, ha Guadeloupe, usa nga isla ha Caribbean, nagmadinaugon an 44-kaadlaw nga welga (Pebrero tubtub Marso 2009) han mga trabahador para umentuhan an minimum nga suhol.

Ini nga landaw nga paggios iginreport han mga lider-trabahador tikang ha Asia, Europe, North America, Latin America ngan Africa nga inatender ha International Solidarity Affair (ISA) nga ginhimo ha Pilipinas hini nga Mayo. An aktibidad nga ginpangunahan han Kilusang Mayo Uno may-ada tema nga "Atuhan an Imperyalista nga Krisis, Pandarambong ngan Gerra." Gintalakay dinhi han mga delegado an mga isyu han mga trabahador han kalibutan sugad han disente nga suhol, katungod ha pagtrabaho ngan neoliberal nga palisiya han World Trade Organization ngan World Bank.

Nagkaurusa liwat nga igindeklarar han mga delegado nga sosyalismo an alternatibo ha kapitalismo. Sering nira, ha sosyalismo, tawo, ngan diri an ganansya, an gintatagan hin importansya. Kadungan hini an planado nga ekonomiya ngan pagbalik han kontrol han tawo ha kada tagsa nira nga kinabuhi. Magpapabutho hin trabaho, edukasyon, pag-ataman ha panlawas para ha ngatanan ngan ig-uundong an tawhanon nga katungod. Kaupod dinhi an pinakabataan nga katungod han kada tagsa nga pumartisipar ha paghuhurma han kabuwason. AB



2 opisyal militar, namatay; 8 armas nakumpiska

Duha nga opisyal an namatay ngan unom nga yano nga sundalo han Philippine Army an nasamaran ha burublag nga mga taktikal nga opensiba nga iginlansar han Bagong Hukbong Bayan (BHB) ha Davao del Norte ngan Davao Oriental hini nga Hunyo. Walo naman nga magbakod nga armas an nakumpiska han BHB ha Northern Samar hadton katapusan han Mayo.

Ha Davao del Norte, namatay hi 2Lt. Charlie Salcedo ngan usa pa nga pwersa han Bravo Coy han 60th IB han ambuson han mga Pula nga mangaraway han Danilo Villacorta Command an ira komboy ha Kilometer 15, Barangay Dagohoy, Talaingod hadton Hunyo 15. Masobra duha na kabulan nga nagsasabrag hin ngirhat ha mga komunidad han Ata-Manobo ini nga yunit, kalakip an panarhug ngan pan-ngawat ha mga residente, paghamlet ha upat nga barangay ngan pagsosona ha walo nga barangay han Talaingod ngan Kapalong. Ini liwat nga yunit an responsable ha makangingirhat nga pagtortur ngan pagpatay hadton Abril kan Kapis Butod, anak han usa nga datu.


Hadto naman nga Hunyo 14, namatay hi 2Lt. Lucesio Julampong samtang nasamaran naman an tulo nga sundalo han 67th IB ha Sityo Bisay, Barangay Batawan, Baganga, Davao Oriental. Nagpapatrolya hira han ambuson ngan pabuthan hin bomba han mga mangaraway han

Prente Gerilya 15 han BHB ha Southern Mindanao.

Duha kaadlaw antes hini, nasamaran liwat an tulo nga elemento han 67th IB han ambuson hira han nasering nga mga Pula nga mangaraway ha pareho nga barangay.

Ha Northern Samar, walo nga magbakod nga armas nga ginkokomponer han usa nga M203, unom nga M16 ngan usa nga M14 an nakumpiska han atakihon han mga Pula nga mangaraway an detachment han militar ha Barangay Polangi, Catarman hadton Mayo 30. Duha nga sundalo an namatay ngan usa an nasamaran ha nasering nga reyd. Antes ini, lima nga tropa han 20th IB an nasamaran ha ambuson nga iginlansar han mga Pula nga mangaraway han BHB ha Barangay E. Duran, bungto han Bobon hini nga Hunyo 17.

Samtang, sumala ha pinakaaurhi nga report tikang ha Efren Martires Command han BHB ha Eastern Visayas, masobra 90 nga elemento han kaaway an namatay ha 93 nga aksyon militar nga iginlansar han mga Pula nga mangaraway ha rehinyon hadton 2008. Itanding hini waray pa 10 an namatir nga mga gerilya han katawhan hini nga mga agway. Nakakumpiska liwat an BHB hin iba-iba nga kalibre nga armas ngan yukut-yukot nga bala hadton 2008. Kabaliskaran ha iginhihinambog han kaaway, waray bisan usa nga prente gerilya an nabungkag han 8th ID ha luyo han hiluagan nga pangangatake han AFP ilarum han Oplan Bantay Laya 2. **AB**



Mga taktikal nga opensiba han MILF

Kadungan han tinagdagko nga pag-atake ha mga detachment ngan kampo han AFP, naglalansar an mga pwersa han MILF hin tinagdudti kundi koordinado nga mga armado nga aksyon para ringgalon ngan pagalon an mga pwersa han militar.

Hadton Hunyo 14, gin-atake han mga mangaraway ilarum han MILF 102nd Base Command an pwesto han mga tropa han AFP ha Magarang, ha bawnderi han Wato-Piagapo, Lanao del Sur.

Kadungan hini, iginlansar han magios nga mga tim han MILF an pag-ambus ha mga ruta han suplay ngan pag-iisnayp ha gab-i ha mga napahoway nga tropa han militar.

Hadton Hunyo 13, tulo nga bublag nga agway an nahitabo giutan han mga armado nga pwersa. Dapit alas-5 han aga, gin-ambus han mga mangaraway han MILF an mga tropa han AFP nga nakakampo ha Barangay Togaya, Salvador, Lanao del Norte. Pagka-alas-8 han aga, ginreyd han MILF an detachment han AFP ha bawnderi han Wato ngan Piagapo ha Lanao del Norte. Pakalabay hin tulo kaoras, usa pa nga agway an nahitabo giutan han MILF ngan mga sundalo ha Wato-Piagapo.

Upat nga sundalo an namatay hini nga mga agway samtang damo pa an nasamaran. Waray kaswalti ha gapil han MILF.

Hadton Mayo 28, gin-atake han mga pwersa han MILF, gamit an magbakod nga riple ngan mga 81 mm *mortar*, an detachment han AFP ha Barangay Matalam, Talayan, Maguindanao. Hadton Mayo 27, nagkamay-ada agway giutan han MILF ngan AFP ha Barangay Bacayawan, Munai, Lanao del Norte. Pito nga sundalo an nahireport nga namatay. **AB**

Buaw an mga kadaugan han AFP ha Negros

Buaw an mga report nga kadaugan han militar ha Negros. Ini an baton ni Ka Frank Fernandez, tagapagyakan han National Democratic Front-Negros, ha buwa nga pahayag han Armed Forces of the Philippines (AFP) nga sakob hin unom kabulan han 2009 nakab-ot na hini an 50% nga target nga lipulon an Bagong Hukbong Bayan (BHB) ha Negros pagka-2010. Nalaum hira Major Gen. Vicente Porto, hepe han 3rd ID, Brig. Gen. Josue Gaverza, hepe han 303rd Brigade ngan Col. Cesar Yano, hepe han 302nd Bde nga hini nga ira buwa may-ada hira promosyon ha AFP ha bendisyon han naghahadi nga barkadahan nga Arroyo-Cojuangco-Teves.

Kundi ini ngatanan puros la bu-ladas han mga pasista nga kumander para tahuban an kamatuoran nga pakyas an ira target nga rumkon an mga prente gerilya ngan hul-os nga mapaluya an BHB ha isla hadton 2008. Tungod hini nga kapakyasan, sering ni Ka Frank Fernandez, ginpahilawig pa han Central Command (CenCom) han AFP ha 2009 an pagtutok ha Negros ha kontra-rebolusyunaryo nga operasyon hini ha Visayas.

Hadto pa nga 2007 ginsering na han CenCom nga hul-os nga makokompleto hini ha 2008 an kontra-rebolusyunaryo nga katuyuanan hini ha Negros. Baga-baga garison an isla tungod ha dako nga konsentrasyon han mga pwersa militar ngan pulis dinhi. Igin-asayn dinhi an mga batalyon han 303rd Bde ngan 302nd Bde, 2nd Scout Ranger Battalion, duha nga kumpanya han Division Reconnaissance Company (DRC), duha nga kumpanya han 12th IB, mga yunit han 78th IB, batalyon nga pwersa han Regional Mobile Group-6 (RMG) ngan pito nga kumpanya han Provincial Mobile Group (PMG). Pirme naman nakaandam an pankahanginan nga suporta han Philippine Air Force (PAF).

Kundi puros la suntok ha hangin an nahitabo ha magbangis ngan sostenido nga operasyon militar han mga pasista ha mga prente gerilya. Nahibangan an kaaway ha 51 nga taktikal nga opensiba nga iginlansar han BHB hadton 2008. Kadungan hini,

marayhak ngan militante an mga trabahador, parag-uma ngan iba pa nga sektor han katilingban ha paglalansar hin mga kampanya ngan panmasa nga protesta kontra ha militarisasyon ha Negros samtang iginpapasulong an iba pa nira nga mga demokratiko ngan nasyunal nga interes.

Ha desperasyon nga makab-ot an target han CenCom hini nga 2009, tikang Enero mas ginpakusog han kaaway an ginsesering nira nga "mapagdesisyon nga aksyon" kontra ha BHB. Kasumpay hini, nagtambak pa ha Negros hin mga pwersa militar, pulis ngan paramilitar. Igindeploy an 62nd IB, duha nga kumpanya han RMG-7, usa nga kumpanya han RMG-6 ngan tulo nga kumpanya han CAFGU. Ginpadako an mga tropa han mga PMG ngan mga istasyon han pulis ngan iginpailarum ini hira ha Special Counter-Insurgency Unit Training (SCOUT). Nakatalaan liwat nga igdeploy an "reactivated 82nd IB" (nga kaudgan nagtikang ha mga tawuhan han DRC ngan Headquarters Service Battalion).

Masugad paman, sakob han syahan nga unom kabulan han 2009 hul-os an kapakyasan han iginhihinambog nga magbangis nga operasyon han AFP ngan PNP. Waray nahiaguman nga kaswalti an BHB ha duha nga engkwentro hini ha Negros Oriental—hadton Marso 20 kontra ha 79th IB ha San Jose ngan hadton Pebrero giutan han platun han BHB ngan RMG-6 ha

Escalante City. Ha pag-aapura nga magkamay-ada hin "mapagdesisyon nga aksyon," nahitabo an *misen-counter* giutan han 11th IB ngan han detatsment han CAFGU samtang nag-ooperasyon hira ha kabubkiran han Jimalalud hadton Marso. Ginpagawas nala han mga opisyal han militar nga an ira mga nasamaran resulta han pakikipag-agway ha BHB.

Ha luyo nga bahin, tikang Enero tubtub Mayo nakapaglansar an BHB hin napulo nga taktikal nga opensiba ha ngatanan nga mga prente gerilya. Pira la hini an reyd ha ECJ Farm ha Toyoy, Himamaylan City, Negros Oriental ngan an ambus han BHB ha mga tropa han 11th IB ha Barangay Hilaitan, Guihulngan, Negros Oriental (*basahon ha AB, isyu han Hunyo 7, 2009*).

An mga kadaugan han BHB hadton 2008 ngan 2009, sumala kan Ka Frank Fernandez, naghahatag hin dugang nga inspirasyon ha katawhan han Negros para direkta nga pumartisipar ha armado nga pakigbisog. Nagrayhak liwat an ira mga pakigbisog para ha ira mga nasyunal ngan demokratiko nga interes kontra ha pyudalismo, burukrata kapitalismo ngan imperyalismo.

Matatangpos an tuig 2009 ngan 2010 nga puros kapakyasan la an seguridad nga aanihon han AFP. Ha luyo nga bahin, dugang nga madako ngan magkukusog an pwersa han BHB para igpasulong an gerra han katawhan ha mas hitaas nga balitang, sering han tagapagyakan han NDF-Negros. **AB**





Lider-parag-uma, ginpatay

Usa nga lider-parag-uma an ginpatay ha Negros Oriental katapos niya kondenaron an *con-ass* ha usa nga rali. Usa liwat nga Pula nga mangaraway ha Far South Mindanao ngan usa nga 12 anyos nga bata ha Samar an ginsikmit han militar. Ha Cagayan, usa nga meting han mga lider militante an gin-atake han militar.

Hunyo 13. Usa nga Pula nga mangaraway an ginsikmit han mga operatiba nga paniktik han AFP sam-

tang sakay hiya hin *bus* tikadto ha Davao City. Hi Felix "Ka Tawi" Capalla tikadto ha syudad para magpakonsulta ha doktor. Lima kaadlaw nga igin-detener hi Capalla antes hiya igpakita ngan igpresentar ha midya hiton nga Hunyo 18.

Hunyo 10. Ginpatay han gintu-tuhan nga mga operatiba han 79th IB hi Ka Fermin Lorico, tsirman han KAUGMAON, pamprobinsya nga tsapter han Kilusang Magbubukid ng Pilipinas (KMP) ha Negros Oriental.

Ginpusil hi Lorico duok ha iya opisina dapit alas-4:00 han kulop ha Dumaguete City katapos umatender ha usa nga rali kontra ha maniobra nga *cha-cha* han mga kaalyado ni Gloria Arroyo ha *Mababang Kapulungan*.

Hugot nga ginkondenar han KMP ngan Tanggol Magsasaka an pagpatay kan Lorico. Ikaupat na hiya nga kaapi han nasyunal nga konseho han KMP nga ginpatay han mga tawuhan han rehimen Arroyo. Nauna nga nagin biktima hira Ka Eddie Gumanoy han Southern Tagalog, Ka Nilo Arado han Panay ngan Ka Renato Pacaide han Far South Mindanao.

Hunyo 10. Ginsikmit han mga elemento han 8th ID an usa nga 12 anyos nga bata. Hi Joel, residente han Montalban, Matuguinao, Samar ginpapagawas nga "bata nga sundalo" kuno han Bagong Hukbong Bayan. Hugot nga ginkondenar han National Democratic Front-Eastern Visayas an pagsikmit kan Joel ngan pagtalapas ha iya mga katungod, kalakip an pagpapagawas ha iya ha midya ngan pagbuksas han iya ngaran.

Hunyo 11. Gin-atake han sumobra-kumulang 30 nga nakamaskara nga sundalo an usa nga komperensya han Katinnulong Daguiti Umili ti Amianan ha usa nga resort ha Barangay Masisit, Sanchez Mira, Cagayan. Ginpartisiparan an komperensya han mga representante tikang ha mga partido nga Bayan Muna, GABRIELA, Anakpawis ngan Kabataan. Gintarhug han mga reaksyunaryo nga tropa an mga pinartisipar ha meting ngan gindara an ira mga kompyuter, dokumento ngan iba pa nga kagamitan.

Ginhimo an pangangatake dapit katutnga samtang nakaturog an 19 nga pinartisipar ha komperensya. Ginpadapa ha salog an mga biktima ngan gintutukan ngan ginkastigo hin mga riple nga M16. AB

Pwersado nga pag-ebakwet ha Maguindanao

DAMO an nasamaran ngan nasul-an han pauranan han AFP hin bomba an mga *evacuation center* ha Mamasapano, Maguindanao hadton Hunyo 18. Nagtikang an panmomba dapit alas-11 han gab-i kun diin kadam-an han mga residente in nakaturog na. Naigo an usa nga eskoylahan nga ginhimo nga sentro han ebakwasyon ha Mahad Libutan ha Libutan, Mamasapano.

An mga nag-ebakwet napiritan nga bayaan an ira kabablayan katapos tikangan han Armed Forces of the Philippines (AFP) an pinakaurhi nga tagdagko ngan waray wantas nga opensiba militar kontra ha Moro Islamic Liberation Front (MILF) ha Maguindanao tikang Hunyo 4. Masobra katunga ha mga nag-ebakwet in kabataan nga nakatalaan nga magtikang pag-eskoyla hini nga Hunyo.

Nahiagum hira hin gutom ngan kakurian ha mga sentro han ebakwasyon tungod ha kakulangan han pagkaon ngan kawaray sadang nga medikal nga pagtagad. Mas grabe pa, gin-uulang han AFP an pagkaon ngan iba pa nga ayuda tikang ha mga *nagkakawanggawa* ha pagrarason nga nahingangadto ini ha mga pwersa han MILF. Ginkondenar ini han damo nga nasimpatiya ha mga sibilyan ngan mga organisasyon nga nag-uundong ha tawhanon nga katungod. Ginpanhimuwa naman han MILF nga nahingangadto ha ira an ayuda ngan ginkondenar an AFP ha waray wantas nga paglapid hini ha yukot-yukot nga mga sibilyan.

Ginkondenar han MILF an pagruba han AFP ha mga propyedad ngan pakabuhi han katawhan Moro, kaupod an panmomba ha moske ha Barangay Muti, Guindulungan, Maguindanao hadton Hunyo 5. Ginkondenar liwat han MILF an AFP ha paggamit hini ha duha nga moske ha Datu Piang, Maguindanao komo detatsment han ira mga tropa.

Ginkondenar han MILF an palisiya han mga tropa han AFP nga pansunog han kabablayan. Tikang Hulyo hadton nakalabay nga tuig, inabot na ha 3,000 nga mga balay an ginsunog han AFP. Kadak-an hini (2,000) aada ha sentral Maguindanao.

Mga 600,000 nga Moro an napiritan nga bumaya ha ira mga lugar tikang pa hadton Agosto 2008. AB



Kaso kontra ha mga parag-uma, iginbasura

IGINBASURA hini nga Hunyo 18 ni Cavite Provincial Prosecutor Emmanuel Velasco an kaso nga "*illegal possession of firearms*" kontra ha siyam nga parag-uma tungod ha kakulangan hin ebidensya. Sering niya, diri liwat otorisado an mga pulis nga magtukod hin tsekpoynt ngan arestuhon an mga parag-uma nga puros mga kaapi han Kalipunan ng Magbubukid sa Kabite (KAMAGSASAKA-KA).

An mga gin-akusaran amo hira Jomel Agana, Renato Alvarez, Mario Joson, Franco Remeroso, Yolanda Caraig, Neshley Cresino, Janice Javier, Bernardo Derain ngan Philip Nardo. Tikadto hira ha usa nga meting hadton Agosto 31, 2008 han paukyon an ira sarakyan ha usa nga tsekpoynt han mga pulis ha Barangay Pasong Lanca, Silang, Cavite. Nahitabo ini duha kaadlaw katapos an pagbuhi han gin-ngaranan nga "Tagaytay Five," mga aktibista nga parag-uma nga gindakop hadton Abril 28, 2006 ngan ginsalawdan hin hinimu-himo nga kaso nga rebelyon. AB

Petisyon para ha writ of amparo, iginlalawad han 3 nga abogado

TULO nga abogado ha tawhanon nga katungod an nagsalawad hin kada tagsa nga petisyon hini nga Hunyo 17 para ha writ of amparo kontra ha higtaas nga opisyal han AFP ngan PNP ha Southern Mindanao. An mga nag-reklamo amo hira Carlos Zarate, Lilibeth Ladaga ngan Angela Librado-Trinidad nga kaupod ha 106 katawo nga aada ha order of battle (OB) nga iginbuksas diri pala maiha ni Rep. Satur Ocampo han Bayan Muna.

Gin-ngaranan nga respondent ha mga petisyon hira Maj. Gen. Reynaldo Mapagu, kumander han 10th Infantry Division; Lt. Col. Kurt Decapia, hepe han 10th ID Public Affairs Department; Col. Oscar Lactao, pinuno han Task Force Davao; ngan Senior Supt. Ramon Apolinario, hepe han pulisya ha Davao City. AB

Magbangis nga pagbungkag ha mga demonstrasyon han kabras

MABANGIS nga gimbungkag han mga 50 nga pulis an mamingaw nga demonstrasyon han mga kabras ha Sucat, Parañaque hadton Mayo 28. Gindakop ngan gindara han mga pulis an pito nga raliyista ha kasapit nga Muntinlupa City Police Station ngan ginsalawdan hin kaso nga *illegal assembly* ngan iba pa.

Waray kakontento an mga pulis ha panhahas ha mga raliyista. Gin-panhimurangtan liwat han ira kabangisan an usa nga membro han midya nga hadto nagdodokumento ha mga panhitabo. Gin-agaw ngan waray na igbalik han mga pulis kan Ivy Valencia han Tudla Productions an iya kamera nga gin-gamit ha pagbidyo ha pagbungkag.

Ginhimo han mga kabras an rali ha atubangan han Philippine National Railway Sucat Station para umaro hin pakighampang kan Bise Presidente Noli de Castro nga hadto nakada ha lugar para ha usa nga seremonya han National Housing Authority. Karuyag nira magpadangat han ira kamutangan ngan pagtipa ha North-South Rail Linkage Project nga nagresulta ha tinagdamo nga pagpapalayas ha ira tikang ha kada tagsa nira mga lugar. AB

"Metro Gwapo" han MMDA, ginpakyas han ugrupod nga paggios

Resulta han ugrupod nga paggios han pira nga mga residente han kabras nga komunidad ha R-10 Road ha Tondo, napiritan nga ig-atras han Metro Manila Development Authority (MMDA) an plano hini nga "*facelift*" nga gintikangan hadto pa nga Abril. Ginpangunahan han lokal nga alyansa han Kalipunan ng Damayang Mahihirap (KADAMAY) an pagtipa han mga residente ha plano han MMDA nga bungkagon an kabablasyon.

Para kuno magin "Metro Gwapo," kinahanglan tanggalon an tubtub dos metros han kabablasyon nga naglulupgop na kuno ha mga sidewalk. Gintarhug han MMDA an mga residente ngan ginsering nga dako an magigin destroso kun hira an maghihimo han demolisyon. Pinaagi han KADAMAY, nabug-os an pagkaurusa han mga residente ngan mau-ngod nira nga gin-atubang an MMDA.

Hadton Mayo 28, gin-ulang han mga residente an ginhihimo nga operasyon han MMDA. Krudo nga inatubang ha mulupyo an MMDA ngan ginpalayas hin waray klaro nga paliwanag an mga tawo nga nakikipag-negosasyon. Bisan an representante han taga-singbahan, membro han midya ngan opisyal han barangay baga butangero nga ira ginyaknan. May-ada pira pa nga re-sidente nga gintutukan hin pusil ngan gin-agawan hin mga kagamitan sugad han lingkuran, mga dugnit ngan iba pa. Mismo an pira nga opisyal han mga barangay nga apektado tipa ha tigda nga pag-abot ngan



Masaker ha Peru

Inabot ha 40 nga Amazon Indian, kaupod an tulo nga bata, an namatay hadton aga han Hunyo 5 katapos pauranan hin bala han mga pulis an ginpartisiparan nira nga demonstrasyon duok ha bungto han Bagua ha Peru. Masobra liwat 100 an nasamaran ngan damo nga iba pa an gin-aresto o nawawara. Ginpurupsil an mga demonstrador samtang nakaturug ha ginpapa-howayan nira nga haywey. Nagpoprotesta hira ha desisyon han gobyerno han Peru nga tugutan an pagsakob han mga langyawanon nga kompanya ha Peruvian Amazon.

Ha pag-atentar nga taguon an kamatuoran, ginsunog ngan gintago han mga pulis ngan militar an patay nga lawas han mga biktima. An iba naman ginhulog tikang ha helikopter ha Marano River. Gindidid-an liwat an mga kaurupdan han mga biktima nga bumalik ha erya para bilngon an nawawara nira nga mga minayuyo. An mga nakadetenir gindidid-an liwat nga makigsumpay ha ira mga pamilya.

An Peru usa nga nasud ha weste nga parte han South America. An Peruvian Amazon an ikaduha nga pinakadako nga kagugub-an ha bug-os nga kalibutan. Sakop hini an masobra 75% han teritoryo han Peru. Riko ini ha natural nga materyales ngan iba-iba nga tipo hin hayop ngan tanom. Dinhi liwat naestar an pinakakablas nga mga mulupyo han Peru, an mga nitibo nga nagkokomponer ha 80% han mga kablasanon hini nga nasud. Maiha na hira nga gintitiyupi, ginpapakurian ngan ginpapasibay-an han gobyerno han Peru ha ilarum ni Alan Garcia.

Subay ha usa nga kasarabutan para ha "libre nga



negosyuhay" giutan han mga gobyerno han Peru, US ngan iba pa nga imperyalista nga mga nasud, ginpadig-on diri pala maiha an mga balaud nga nag-aabre ha Peruvian Amazon ha mga multinasyunal nga kompanya. Haros 70% han kagugub-an nga Amazon nga nasasakop han Peru aabrihan ha pagmimina, paglalaging ngan agribisnes han mga langyawanon. Apektado ha kasarabutan an maabot ha 30,000 nga nitibo ha unom nga probinsya han Peru.

Makusog nga protesta an igintatapo dinhi han mga nitibo nga mulupyo. Para puypuyon an ira pag-ato, igin-imponer ni Garcia an *state of emergency* ngan ginsuspinder an mga tawhanon nga katungod han mulupyo dinhi. Wala-tuo an mga pagtalapas ha tawhanon nga katungod. Ha luyo hini padayon nga naninindugan an mga nagpoprotesta nga nitibo para ipakigbisog an ira mga katungod. **AB**

"Metro..."tikang ha paypay 11

panginginlabot han MMDA.

Katapos an komprontasyon napa-atras an MMDA ngan napiritan nga umatubang ha usa nga mas meting kun diin ginbawi hini hin baga masunuron nga karnero an pagpapadayon han proyekto. Sugadman, nag-bilin ini hin mga buwa ngan repormista nga mga panaad ha mulupyo sugad han relokasyon ngan kompensasyon ha mga mabibiktima

han demolisyon ha tidaraon.

Maiha na nga karuyag tanggalon han rehimen Arroyo an tagdagko nga tipak han kablas nga komunidad ha Tondo, kalakip an komunidad ha R-10. Karuyag hira palayason labina nga ha yana gin-aagragawan han iba-iba nga magkasosyo nga dagko nga komprador burgesya ngan langyawanon nga monopolyo nga korporasyon an North Harbor. Ha kamatuoran nahiuna na nga gindemolis an kabablayan ha ligid han nasering nga kalsada ha Navotas ngan

pira nga parte han Tondo. Maabot ha 900 pa nga pamilya an nagpapabilin ha komunidad ngan yana ginringgal han MMDA.

Maaram an mga residente nga magpapadayon an tarhug han demolisyon ngan temporaryo la an pag-atras han rehimen Arroyo. Kasumpay hini nangangandam hira ha pagpapasamwak han leksyon han ugrupod nga paggios ngan agap nga pagtutukod ngan pagpapadig-on han ira mga organisasyon. **AB**

Mga kaso nga iginsalawad han IALAG, iginpapabasura

IGIN-INSISTER han detenido politikal nga hi Randall Echanis nga ibasura dayon an ngatanan nga hinimu-himo nga kaso nga iginsalawad han ginbungkag nga Inter-Agency Legal Action Group (IALAG) kontra ha mga aktibista, mga gintatahanan nga komunista ngan mga tagsuporta nira. Sering ni Echanis, *deputy secretary-general* han Kilusang Magbubukid ng Pilipinas, waray pulos an pagbungkag han IALAG kun diri igbabasura an ngatanan nga hinimu-himo ngan malisyoso nga kaso kontra ha mga aktibista, kalakip an hinimu-himo nga kaso kontra ha iya.

Gin-aresto hi Echanis hadton Enero 2008 tungod ha pagkadabi kuno niya ha usa nga masaker ha Inopacan, Leyte hadton dekada 1980. Kaupod liwat ha mga gin-akusaran amo hira Bayan Muna Rep. Satur Ocampo ngan *chief consultant* han National Democratic Front nga hi Prof. Jose Ma. Sison. Presente nga nakadetenir hi Echanis ha Manila City Jail.

Ginbungkag ni Gloria Arroyo an IALAG hadton Mayo 15 ha atubangan han makusog nga internasyunal nga presyur kontra dinhi. Kalakip ini ha mga rekomendasyon ni United Nations Special Rapporteur Prof. Philip Alston nga utro niya nga iginpresentar ha UN Human Rights Council hadton Abril.

Tikang ini matukod hadton 2007, an IALAG dayon nga nahiagum hin pagkondenar tikang ha mga grupo nga nag-uundong ha tawhanon nga katungod, aktibista ngan kritiko han rehimen Arroyo. Nanguna an IALAG ha pagsalawad hin mga hinimu-himo nga kaso kontra ha mga aktibista, ligal nga oposisyon, lider ngan kaapi han progresibo nga organisasyon ngan iba pa nga kritiko han rehimen. Katuyuanan liwat hini nga tahuban an mga krimen han militar ngan pulis ha mga pampolitika nga panmatay ngan pagsikmit han mga ginbansagan nga kaaway han estado.

Opensiba han mga Maoista nga gerilya ha India, madinaugon

BAYNTE-sais nga elemento han kaaway an namatay ha sunud-sunod nga mga opensiba han mga gerilya han Communist Party of India-Maoist tikang Abril tubtub Hunyo. Katorse liwat nga pulis ngan paramilitar nga elemento an nasamaran hini nga mga agway.

Duha nga pulis an namatay ngan walo pa an nasamaran han ambuson han mga Pula nga gerilya ha distrito han Bokaro an naagi nga sarakyan han mga pulis hini nga Hunyo 16. Nauna hini, hadton Hunyo 10 onse nga pulis an namatay samtang unom an nasamaran han pabuthan hin bomba an ira ginsakayan nga *van* ha distrito han West Singhbhum, mga 100 kilometros tikang ha kabisera han Ranchi, estado han Jharkhand.

Nauna hini, napulo nga paramilitar an namatay ha usa nga opensiba han mga gerilya ha Orissa ha sinirangan India ha usa nga minahan han *bauxite* hadton Abril 2009.

Samtang, gin-okuparan naman han mga tagsuporta han CPI-Maoist an Lalgarh ha sinirangan nga parte han estado han Bengal. Gin-atake han mga tagsuporta han Peoples Committee Against Police Atrocities (PCPA) an kampo han pulis ha Salboni, Rangrah ngan Dharampur. Ginpauranan nira hin mga bala an nasering nga kampo ngan ginhibang an mga *outpost* hini. Gin-atake naman nira an opisina han rebisyunista nga partido han Communist Party of India o CPI-Marxist ngan gindemolis an duha kaandana nga bilding hini.

Sering nira, ini ngatanan mga porma hin ispontanyo nga paggios kontra ha kabangisan ngan kriminalidad nga ginhihimo han mga pulis ngan CPI-Marxist. Napiritan paggikan an mga pulis ngan tulo nga lider naman han CPI-Marxist an namatay ha nasering nga pangangatake.


1 bilyon an nagugutom ha bug-os nga kalibutan

USA kabilyon o ikaunom na kaparte han populasyon han kalibutan an naluludlod ha kagutuman. Haros ngatanan han mga waray makaon aada ha mga atrasado nga nasud: 642 milyones ha rehiyon nga Asia-Pacific ngan 265 milyones ha Africa.

An pagdako han ihap han mga nagugutom resulta han mas hibubo nga kita ngan mas grabe nga dis-employo bunga han pankalibutan nga krisis ha pinansya. Diri na makaya han gidadamui nga mulupyo an presyo han pagkaon nga inumento hin abereyds nga 24% tikang 2006 ngada 2008 ha mga atrasado nga nasud, sumala ha Food and Agricultural Organization (FAO) han United Nations.

Sering han FAO, an naumento nga presyo han pagkaon nanganahulugan hin dako nga pag-iban ha kakayahan nga pumalit han kablasanon nga konsumidor nga nagastos hin tubtub 60% han ira kita para ha mga prinsipal nga pagkaon.

Samtang nagtitikagrabe an kagutuman ha kadak-an han kalibutan, dugang naman nga mas riko yana an mag-uswag nga nasud. Kinse porsyento (15%) la han mga nagugutom an aada ha mga prinsipal nga kapitalista nga nasud.



ANG

Bayan

Pahayagan ng Partido Komunista ng Pilipinas
Pinapatnubayan ng Marxismo-Leninismo-Maoismo

Edisyon nga Waray
Tuig XL Ihap 12
Hunyo 21, 2009
www.philippinerevolution.net

Editoryal

Umato tubtub maibagsak an rehimen Arroyo

Katapos an haros napulo na katuig nga pag-antos ilarum han papet, dunot ngan mapanmuy-poy nga paghahadi ni Gloria Arroyo, makusog an paghihingyap han katawhan Pilipino nga mautod na an iya paghahadi ngan pabaydon hiya ha gidadamui na nga magbug-at nga kasal-anan ha nasud.

Kun hi Arroyo la an masusunod, diri malalauman han katawhan nga boluntaryo ngan waray kasamukan nga magtatapos han iya paghahadi. Samtang tikahirani an katapusan han iya termino ha Hunyo 2010, dugang pa nga gindadagmit ni Arroyo an mga maniobra para maka-pagpadayon pa ha poder. Mas nakaklaro an panginahanglan para ha mapagdesisyon nga mga paggios han katawhan para matanggal na hiya ha iya pinupwestuhan. Pareho han sibwada han syahan nga kwarter han 1970 ngan EDSA 1986 ngan 2001, utro yana nga namamangpangan an usa nga gamhanan nga unos han katawhan nga determinado nga ibagsak an ginkakangalsan nga rehimen US-Arroyo.

Maanupaman an pamaagi para mapahilawig an poder ni Arroyo, usa nga butang an klaro: Mautod la an merse-naryo, dunot, buwaon ngan mabangis nga paghahadi ni Arroyo pinaagi han pag-agaw mismo han katawhan han poder ngan pagpwera kan Arroyo nga utdon na an iya paghahadi.

Diri makarukarawat ha katawhan an plano ni Arroyo nga magpabilin ha poder. Diri makarukarawat nga magpadayon an gin-aantos nira nga ura-ura nga

pagkukuri ngan paniniyupi ilarum han dunot, hamad ngan mabangis niya nga rehimen.

Sanglit, kinahanglan magkaurusa, gumios ngan umato an katawhan. Kinahanglan tirukon ini nga kangalas ha usa nga gamhanan nga unos para utdon an paghahadi ni Arroyo. Kinahanglan dugang nga pahiluagon ngan pakusgon an pagpukaw, pag-organisa ngan pagmobilisa ha katawhan para atuhan an ngatanan nga mga pagpapakuri ha ira han rehimen US-Arroyo.

Kinahanglan ipakita ha katawhan nga an ira kakurian direkta nga resulta han mga maka-langyawanon ngan kontra-katawhan nga palisiya ngan pitad han naghahadi nga rehimen, kalakip an palisiya nga iraysang an suhol ha hibubo nga lebel, an pagpapasibaya ha mga pankatilingban nga serbisyo para maalotaga an dako nga parte han badyet ha pagbayad han utang, an palisiya nga pag-eks-



Mga landaw hini nga isyu...

Con-ass, hugot nga ginkondenar

PAYPAY 4

Nagtitikaraut nga ekonomiya ha nasud

PAYPAY 5

Buaw an mga kadaugan han AFP ha Negros

PAYPAY 9

Mga instruksyon ha pag-iimprenta

1. An **ginsundan nga paypay**, nga eksakto nga kopya han paypay 1 gawas ha mas pus-aw an *masthead* o *logo* in para ha mga nagamit hin *mimeo machine* o nag-iimprenta ha pamaagi nga *v-type*. Gindesenyo ini para diri madali nga mahibang an istensil.

2. Pag-*print* ha istensil:

- a) Ha *print dialog*, i-check an **Print as image**
- b) Tanggalon an *check* ha **Shrink oversized pages to paper size**
- k) I-click an **Properties**
- d) I-click an **Advanced**
- e) Seguruhon nga naka-set ha **100%** an **Scaling**
- d) Ipadayon an pag-*print*

3. Gin-aaghat an mga kasama nga ipaabot ha patnugutan han *AB* an anuman nga problema kasumpay han pag-iimprenta pinaagi han *v-type*. Magpadara hin *email* ha *angbayan@yahoo.com*